



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

VII. donis spiritus sancti. 12

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

oportebat seruauimus, hoc dignissimo sacrae vn
tionis istius sacramento expiatur.

De septem donis spiritus sancti.

Cap. XII.

Porro, vt & pars media, id est, anima suua
habeat ornatum, aptari & exornari eam se
ptem donis spiritus sancti, ipsamque ad spi
ritum sese conuertere oportet. Quod nimirum fa
ciendo beata efficitur, & septiformi gratia san
cti spiritus repletur. Quia enim spiritus summae
Trinitati vnitus existit, ideo semper amabilis
quaedam gratia per illam vnionem in animam
descendit, operante videlicet hoc ipsum spiritu
sancto, qui est artifex & aduocatus: qui & ani
mam dono fortitudinis adornat, quo fortiter o
mne prauum desiderium repellat & auersetur.
Et ideo donum istud specialiter vi concupiscibi
li praestatur. Dono etiam consilij, quo eam instru
it, qualiter pacata, mitis & humilis esse, vimque
irascibilem, cui istud donum tribuitur, refrenare
debeat. Dono quoque intellectus, quo videlicet
intelligat, quid odire & quid non odire debeat.
Odire quippe malum perpetratum debet, & non
malum ipsum perpetrantem. Et ideo donum i
stud odio impenditur. Dono etiam scientiae, quo
intelligat & sciat quid amare teneatur, Deum vi
delicet super omnia, & amicos in Deo, & inimi
cos propter Deum. Atque ob hoc donum istud
amori assignatur. Sed & dono pietatis, quo vide
licet pia sit atque deuota, & unicuique laetam
obsequiosamque se exhibeat, & prodesse con
etur. Vnde & donum istud affectui gaudij presta
tur. Dono insuper timoris domini, quo videlicet

Z v semper

MARGARITAE EVANG.

semper filialem habeat Dei sui timorem, ipm̄q̄
magis ex amore, quam timore serui, inferni vi
delicet vel similibus reuereatur. Et ideo doctum
istud timori impenditur. Demum & sapientia
dono, quo eitantam interius sapientiam infun
dit, sicque omnem in ea pudorem inordinatum
extinguit, vt iam nequaquam erubescat nec ve
reatur propalare laudem domini sui, quamlibet
ob hoc ab omnibus, & specialiter ab illis qui
subtiles sunt & intellectu curiosi, derideatur. Sic
que sapientia, id est, sapida scientia dono reple
tur, quod ipsum pudori tribuitur.

De octo beatitudinibus. Cap. XIII.

DEnique, vt & suprema pars, spiritus vide
licet qui est nuda essentia anime, suo non
fraudetur ornatu, ipsum ab omnibus ima
ginibus & formis esse nudum, & in originali prin
cipio suo commorari, atque ab omni multipli
tate & tetationibus, quibus anima & corpus im
pugnantur, liberum & expeditum manere oportet.
Ideo namq; & corpus nostrum spiritualiter ec
clesia militanti comparatur, eo quod continet,
quandiu viuit, a prauis inclinationibus suis im
pugnatur. Anima autem ecclesie victi com
paratur, quia & carni resistere, & spiritui de
bet obedire. Et spiritus ecclesie triumphanti ad
aquaretur, eo quod semper esse tranquillus, paca
tus ac hilaris, et dominum Deum suum cum per
fecta sup̄suis resignatione laudare debet. Qui e
nim omnia dederit, simul omnia recipiet. Arque
hoc modo spiritus noster paupertatis spiritus be
atitudine ornandus est, de qua dominus ait. Be
ati pauperes spiritu, quonia ipsoꝝ est regnu coe
lorum.